

REFERAT SAA- Sanarfinermut Avatangiisinullu Ataatsimiititaq d. 04-05-2020

Mødedato Mandag d. 04. maj 2020 kl. 18:00

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
Ataatsimiititat angalanissaat pillugit eqqartuineq.....	8
Suliat Aningaasaqarnermut Inuussutissarsiornermullu Ataatsimiititamut.....	11
Kommunimut pilersaarummut tapiliussamut 2E4-1 Qeqertat siunnersuut.....	12
Siunnersuut, Kommunimut pilersaarummut tapiliussaq 3E5-4, Nuuk Airport.....	16
Kommunimut pilersaarummut tapiliussap 1C38-2 Qullilerfik, Nuuk akuersissutigineqarnera.....	20
Sissaq sinerlugu aqqusineeraq, immikkoortup aappaa, Nuuk.....	24
Aqqaluup Aneerasaartarfianut tamakkiisumik pilersaarut.....	28
Tasiilaq Aneerasaartarfianut tamakkiisumik pilersaarut.....	32
Siunnersuut B-31-p eriaginartutut nalunaarsorneqarnerata atorunnaarsinneqarnissaanik.....	35
Suliat Aningaasaqarnermut Inuussutissarsiornermullu Ataatsimiititamut.....	39
Suliat matoqqasut.....	40
Imaqarniliap akuerineqarnera.....	41

Punkt 0: Saqqaa

Ilaasortat

Justus Hansen (D), siulittaasoq.

Harald Bianco (IA)

Charlotte Piké (IA)

Mala Høy-Kúko (S)

Laura Táunâjik (S)

Beslutning

Oqarasuaatsikkut: Justus Hansen (D), Harald Bianco (IA), Charlotte Pike (IA) aamma Laura Taunâjik (S).

Punkt 1: Oqaluserisassat akuersissutigineqarneri

Beslutning

Oqaluserisassat akuersissutigineqarput.

Punkt 2: Nalunaarutit

2a. siulittaasup nalunaarutai

2b. ingerlatsiviup nalunaarutai

Beslutning

2a. Soqanngilaq

2b.

1. HHWJ ataatsimiititamut 20/20/60-imut, piginneqatigiilluni inissiaatinut taarsigassarsiassanut il.il. kommunimi taarsigassarsititsinissamut politikki pillugu ilisimatitsissuteqarpoq.
2. HHWJ ataatsimiititamut Siorarsiorfiup tungaanut aqquisinissaq pillugu ilisimatitsissuteqarpoq.

Punkt 3: Ilisimatitsissutit

Soqanngilaq

Beslutning

Soqanngilaq.

Punkt 4: Aalajangiiffigisassat

Punkt 04A: Ataatsimiititat angalanissaat pillugit eqqartuineq

Beslutning

Inassuteqaat akuersissutigineqarpoq, 2020-mi ataatsimiititat angalanissaat ataasiinnangortillugit.

Bilag

Ataatsimiititat angalanissaannut pilersaarut

Ataatsimiitit angalanissaat pillugit eqqartuineq

Aalajangiiffigisassaq

J.nr.: 01.02

Suliffeqarfimmut Kiffartuussivik - Vicekommunaldirektøri Marie Fleischer / MAFL

Suliassamik eqikkaaneq

Ataatsimiitit ukiut tamaasa marloriarlutik ataatsimiitit angalasinnaapput. Ukioq 2020-mi ataatsimiitit ataavartut kommunip killeqarfiata iluani ataasiarlutik angalasinnaapput aamma kommunip killeqarfiata avataani ataasiarlutik angalanissamat periarfissaqarput, taavalu Aningaasaqarnermut Inuussutissarsiornermullu Ataatsimiititaq kommunip killeqarfiata iluani marloriarluni angalasinnaalluni.

Ukioq 2020-mi ataatsimiitit arlaannaalluunniit angalanikuunngillat.

Inassuteqaat

Suliffeqarfimmut Kiffartuussiviup Sanarfinermut Avatangiisinullu Ataatsimiititamut inassuteqaatigaa:

- ataatsimiititap 2020-imi angalanissai marlunniit ataatsimut ikilisinneqassanersut aalajangerneqassasoq

Suliassamik saqqummiussineq

Ataatsimiitit ukiut tamaasa marloriarlutik ataatsimiitit angalasinnaapput. Ukioq 2020-mi ataatsimiitit ataavartut kommunip killeqarfiata iluani ataasiarluni angalasinnaavoq aamma kommunip killeqarfiata avataani ataasiarluni angalanissamat periarfissaqarpoq, taavalu Aningaasaqarnermut Inuussutissarsiornermullu Ataatsimiititaq kommunip killeqarfiata iluani marloriarluni angalasinnaalluni.

Ukioq 2020-mut missingersuusiornermut atatillugu Kommunalbestyrelsip aalajangerpaa ataatsimiitit ataatsimoorlutik angalassasut. Ataatsimiitit marluk ataatsimuussapput, ataatsimoorlutillu angalaqatigiillutik.

Aaqqiissutissatut siunnersuut – suliatigut naliliineq

Maannakkut COVID-19-ip ajornartoortitsinera aallaavigalugu 2020-milu upernaakkut suliat ikilinerat pissutigalugu, ataatsimiitit suli angalanikuunngillat.

Tamanna eqqarsaatigalugu, inassuteqaatigineqarpoq 2020-mi angalanerit marlunniit ataasiinnangortissanersoq ataatsimiititap aalajangissagaa.

Aningaasatigut sulisoqarnikkullu naliliinerit

Aningaasaqarnermut Inuussutissarsiornermullu Ataatsimiititap angalanissaanut 175.000-it immikkoortinneqarnikuupput aammalu ataatsimiititap ataavartut tamarmik immikkut ataatsimiitit angalanissaannut 125.000-it immikkoortinneqarnikuullutik.

Aningaasaqarnermut Inuussutissarsiornermullu Ataatsimiititap Ittoqqortoormiiliarnissaralua taamaatinneqarmat, ataatsimiititaq angalanissamat 60.000 kr.-niniq utertinneqarsinnaanngitsunik atuereersimavoq.

Suliffeqarnermut Isumaginninnermullu Ataatsimiititap aammalu Meeqqanut Atuarfeqarnermullu Ataatsimiititap Alaskaliarnissaa aamma taamaatinneqarpoq. Angalatitseqatigiiffiup nalunaarutigaa, aningaasartuutaasimasut amerlanersaat utertinneqarsinnaasut. Maannakkorpiat ataatsimiitit angalanissaminut 150.000 kr.-it utertinneqarsinnaanngitsut atoreersimavaat.

Angalatitseqatigiiffiup suli 100.000 kr.-it utertinneqarnissaat, taakkualuunniit ilaannaasa

utertinneqarnissaat pillugu uppersaatait utaqqivai. Imaappoq, ataatsimiitit 150.000 aamma 250.000 kr.-it ataatsimiitit angalanissaannut atoreersimavaat.

Inatsitigut tunngavissaq allakkallu tunngaviusumik uppersaatitallit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ingerlariaqqinnissaq

Ataatsimiititap aalajangenera piviusunngortinneqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Soqanngilaq.

Ilanngussat

1. Ataatsimiitit angalanissaannut pilersaarut

**Punkt 5: Suliat Aningaasaqarnermut Inuussutissarsiornermullu
Ataatsimiititamut**

Punkt 05A: Kommunitut pilersaarummut tapiliussamut 2E4-1 Qeqertat siunnersuut

Beslutning

Inassuteqaat akuersissutigineqarpoq.

Bilag

Kommunitut pilersaarummut tapiliussamut 2E4-1 Qeqertat/ Fyrømut siunnersuut

Kommunimut pilersaarummut tapiliussamut 2E4-1 Qeqertat siunnersuut

Pisortani ataatsimoorussamik ikuallaavik

Aalajangiiffigisassaq

J. nr: EMN-2019-01436

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Pisortani ataatsimoorussamik ikuallaaviliornissamut periusissamut atatillugu Kommunimut pilersaarummi uani siunissami ikuallaavissap Qeqertani inissinneqarnissaanut tunngavissat saqqummiunneqarput.

Immikkoortoq pilersaarusiortigineqartoq kusanartumi aamma Nuummiit erseqqissumi inissisimavoq. Aallaavittut immikkoortup isigiuminarpallaanngitsutut suliffissuaqarfippalaartutullu isikkoqarnissaa naatsorsuutigisariaqarpoq. Taamaattumik immikkoortup ataqatigiissumik assiaqutserneqarnissaa piumasarineqassaaq. Immikkoortumut assiaqutissaq eqqarsaatigalugu siunnersuutigineqarpoq, sanaartukkap ilusaata aamma sanaartukkamut atortussanik toqqaanermi assiaqutissaa ilanngutereerneqassasoq taamaalilluni pilersaarut imminut ataqatigiinnerusutut isikkoqartinneqassammat.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussaq 2E4-1, Qeqertat, pillugu siunnersuut akuersissutigineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Pisortani ataatsimoorussamik ikuallaaviliornissamut periusissamut atatillugu Kommunimut pilersaarummi uani siunissami ikuallaavissap Qeqertani inissinneqarnissaanut tunngavissat saqqummiunneqarput.

Pilersaarummi periarfissaapput

- ikuallaaviup taassumalu atortuisa pilersinneqarsinnaanerat.
- asfalteriffissaq pilersinneqassasoq
- nunniornikkut pilersitsineq tassanilu sanaartugassat sanaartorneqartinnagit aalajangersakkat immikkuualuttut nassuiaatigineqassallutik

Pilersaarummi qulakkeerneqartut

- immikkoortup ineriartortinneqarnissaa, Qeqertat nutaanik sanaartorfigineqarneranut takussutissat sapinngisamik malillugit.
- immikkoortup ineriartortinneqarnerani immikkoortup Nuup qiterpasissumi ersarissumilu inissisimaneranik eqqarsaateqartoqarnissaa.

Aaqqiissutissatut siunnersuut – suliatigut naliliineq

Immikkoortoq pilersaarusiorfigineqartoq kusanartumi aamma Nuummiit ersarissumi inissisimavoq. Taamaattumik sanaartorneqartussat Qeqertani sanaartorneqartunut quersuarnut tulluutissapput, soorlu imarpikoorutininut talittarfittaami takuneqarsinnaasunut.

aallaavittut immikkoortoq isigiuminarpallaanngitsutut suliffissuaqarfippalaartutullu isikkoqarnissaa naatsorsuutigineqassaaq. Taamaattumik immikkoortup ataqatigiissumik assiaqutserneqarnissaa piumasarineqassaaq. Immikkoortumut assiaqutissaq eqqarsaatigalugu siunnersuutigineqarpoq, sanaartukkap ilusaata aamma sanaartukkamut atortussat toqqarneqarnerannut assiaqutissaa ilanngutereerneqassasoq taamaalilluni pilersaarut imminut ataqatigiinnerusutut isikkoqartinneqassamat.

Illuliortaatsimut politikki

Nunarsuaq tamakkerlugu anguniakkat:

- 1 Illuliortaaseq kinaassuseqalersitsisoq:**
Sanaartugaq naaralaartitsivittut nutaatut illoqarfimmut illutut kusanartutut ilisarnaataalluni takussutissaasinnaasoq siunnersuummi allassimavoq.
- 2 Piffissaq sumiiffillu:**
Inissisimaffia eqqarsaatigineqassasoq taamaalilluni illoqarfimmut tikeraartut ikuallaavik siullertut takusassagaat siunnersuummi allassimavoq.



SDG 11.4:
Kulturikkut pinngortitamillu kingornussavut illersussavagut ikuallaaviup nutaap pilersinneqarnissanut piunasaqateqarnikkut.



SDG 11.6:
Silaannaap pitsaassuseqarnissaata immikkut pingaartinneqarneratigut aamma inoqtigiit allallu eqqagaannik ingerlatsinikkut avatangiisinut artukkiineq annikillisinneqassaaq. Ullutsinnut naleqquttumik avatangiisinullu isumannanngitsumik ikuallaasarnissamat iluaqutaasinnaasumik.

Aningaasatigut sulisoqarnikkullu naliliinerit
Soqanngilaq

Inatsisitigut tunngavissaq allakkallu tunngaviusumik uppersaatitalit

Pilersaarusiorneq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq aamma

Inatsisartut inatsisissaat nr. 34, 9. december 2015-imeersoq

Kommunimut pilersaarut digitaliusoq www.sermersooq2028.gl

Ingerlariaqqinnissaq

Pilersaarummut siunnersuut sapaatit-akunnerini arfinilinni tamanut tusarniaassutigineqassaaq.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Kommunimut pilersaarummut tapiliussassatut siunnersuut sapaatip akunnerini 6-ini tamanut tusarniaassutigineqassaaq, tamannalu Nuummi Nuuk Ugeaviisikkut kiisalu kommunip tusarniaanermi nittartagaatigut allagarsiutigineqassaaq.

Ingerlatsivinnit allaniit oqaaseqaatigineqartut

Soqanngilaq

Ilanngussat

1. Kommunimut pilersaarummut tapiliussamut 2E4-1 Qeqertat/ Fyrømut siunnersuut

Punkt 05B: Siunnersuut, Kommunimut pilersaarummut tapiliusseq 3E5-4, Nuuk Airport

Beslutning

Inassuteqaat akuersissutigineqarpoq.

Bilag

Kommunimut pilersaarummut tapiliusseq 3E5-4, Nuuk Airport, pillugu siunnersuut

Siunnersuut, Kommunimut pilersaarummut tapiliusseq 3E5-4, Nuuk Airport

Aalajangiiffigisassaq

J.nr: ANL-2020-00003

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummi matumani immikkoortup ilaa 3E5 iluarsineqarpoq, mittarfiliornissamut atatillugu nunaminertamik qaartiteriffissamik pisariaqartitsisoqaqqinnissaa pissutigalugu. Siunnersuummi aamma immikkoortup ilaata 4B4-p iluarsineqarnissaa pisariaqartinneqassaaq, tamaani qaartiteriffiginissaanut nunaminertamik atugassiisoqarmat. Tamatuma kingunerisaanik immikkooortut ilaat 4D2, 4D9 aamma 4B4 iluarsineqassapput.

Kommunimut pilersaarummut tapiliussassatut siunnersuut Nuuk Airport suliarineqarpoq Nuummi mittarfiup allineqarnissaanut atatillugu pilersaarutit pioreersut, kingullermillu Atlantiku qulaallugu timmisartunut mittarfissap illutassai pillugit pilersaarutit tunngavigalugit suliarineqarluni. Pilersaarummut tapiliussamut siullermut sanaartorfissat ilanngunneqarnikuupput, taakkunani timmisartoqarfiup illutassaa, iluarsaassisarfik, timmisartut illutassaat allallu sanaartorneqarsinnaassallutik. Siunertat taakkua pilersaarutit siunnersuummi matumani aalajangiusimaneqarput. Immikkoortup ilaani B-mi kommunimut pilersaarutit tapiliussami siullermut nunaminertamik immikkoortitsiffiupput qatserinermi sungiusartarfik, orsussamik tigooraavik aammalu siunissami biilnut uninngatitsisarfissamut sillimmatissaaq.

Siunnersuummi ilanngullugit inissaqartinneqassapput, timmisartoqarfiup avannamut kujammullu tallissutaanut uiggiullugit qullersuit timmisartut tikikkiartorneranni ersarissaatit 410 m-sut takitigisumi.

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliusseq 3E5-4, Nuuk Airport pillugu siunnersuut akuerineqassasoq
- siunnersuutip akuersissutigineqartup tusarniaassutigineqarnissaa siunertaralugu aalajangiiffigisassatut Aningaasaqarnermut Inuusutissarsiornermullu Ataatsimiititamut ingerlateqqinneqassasoq, kiisalu Kommunalbestyrelsimut ilisimatitsissutitut ingerlateqqinneqassasoq.

Suliassamik saqqummiussineq

Kommunimut pilersaarummut tapiliussamik matuminnga suliaqarneq pilersaarummik allannguuteqartitsineq tunngavigalugu pivoq, iluarsissuteqarfigineqarlunilu kommunimut pilersaarummut tapiliussami ilassuteqaateqartariaqartoq. Allannguutit pingaarnerit tassaapput.

Immikkoortup ilaata killeqarfia:

Immikkoortup ilaa 3E5, 295,1 ha-niit 296,7 ha-nut allineqassaaq. Tamatumunnga pissutaavoq mittarfiliornissamut atatillugu 3E5-imi nunaminertamik qaartiteriffissamik pisariaqartitsisoqarnerulernissaa. Immikkoortup ilaata killeqarfia aamma immikkoortup ilaani 4B4-mi nunaminertamik qaartiteriffissamik akuersisoqarneranut naleqqussarneqassaaq.

Taamaasillutik immikkoortut ilai 4D2, 4D9 aamma 4B4, imatut iluarsineqassapput:

4D2 – nunaminertaq 181,5 ha-miit 180,2 ha-mut iluarsineqassaaq

4D9 – nunaminertaq 15,2 ha-miit 14,7 ha-mut iluarsineqassaaq

4B4 – nunaminertaq 16,3 ha-miit 16,6 ha-mut iluarsineqassaaq

Qullersuit timmisartut tikikkiartorneranni ersarissaasussat:

Timmisartoqarfiup avannamut kujammullu tallissutaanut uiggiullugit qullersuit timmisartut tikikkiartorneranni ersarissaatit 410 m-sut takitigisut. Tassunga pissutaavoq, mittarfittaassaaq ILS Cat 1-iussappat Angallannermut Aqutsisoqarfiup tamanna piumasarippagu.

Immikkoortup ilaa B:

Immikkoortup ilaanut B-mut qatserinermi sungiusartarfik, orsussamik tigooraavik aammalu siunissami biilnut uninngatitsisarfissamut sillimmatissaq immikkoortitsiffigissapput.

Kommunimut pilersaarummut tapiliussassatut siunnersuut Nuuk Airport suliarineqarpoq Nuummi mittarfiup allineqarnissaanut atatillugu pilersaarutit pioreersut, kingullermillu Atlantiku qulaallugu timmisartunut mittarfissap illutassai pillugit pilersaarutit tunngavigalugit suliarineqarluni.

Pilersaarummut tapiliussassatut siunnersuummi matumani sanaartorfissat immikkoortinneqarput, tamaani sananeqarsinnaangorlugit timmisartoqarfiup illutassaa, sullissiveqarfik, timmisartunut inissiisarfik allallu illussanik titartaasartunik unammisitsinermi naammassereersumi ajugaasut COWI ZESO Architects suleqatigalugit titartagaat tunngavigalugit. Immikkoortut ilaannut B-mut aammalu E-mut sanaartorfissanik immikkoortitsisoqarpoq. Immikkoortup ilaanut B-mut siullermut sanaartorfissat ilanngunneqarnikuupput, taakkunani timmisartoqarfiup illutassaa, iluarsaassisarfik, timmisartut illutassaat allallu mittarfimmut tunngassuteqartut sanaartorneqarsinnaassallutik. Immikkoortup ilaa E imeqarfiliassamut atugassiissutigineqarpoq attaveqaatit tassunga atasut ilanngullugit. Siunertat taakkua pilersaarutit siunnersuummi matumani aalajangiusimaneqarput.

Aaqqiissutissatut siunnersuut – suliatigut naliliineq

Ingerlatsiviup nalilerpaa, pilersaarummut tapiliussaq timmisartoqarfiup allineqarnissaanut ineriartortitsinissamut pitsaasumik tapersiisoq. Taamaasilluni timmisartoqarfiup illutaani, sullissivimmi, hangarini taakkulu biilnut unittarfissaannik il.il. sanasoqarnissaanut periarfissaqalissaaq. Qaartiteriffissap allineratigut ingerlatsiviup siunnersuutigaa, siunissami inuussutissarsiateqarfiorfissanik pilersitsisoqassasoq, immikkoortoq tamanna inuussutissarsiateqarfioreersumut uiggiullugu ajunngilluinnarmat. Ingerlatsiviup nalilerpaa taamatut ineriartortitsineq Nuup illoqarfiata ineriartortinneqarnissaanut iluaqutaajumaartoq. Aamma taamaappoq immikkoortup ilaani E-mi imeqarfiliassatut pilersaarummi, Nuummi kissarneqqortuunnguamiittup matuneqarnissaa periarfissaalissalluni, taamaasillunilu illoqarfimmi inissialiorfissat amerlisiinneqassallutik.

Aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

Inatsisitigut tunngavissaq allakkallu tunngaviusumik uppersaaitallit

Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq aamma

Inatsisartut inatsisissaat nr. 34, 9. december 2015-imeersoq

Kommunimut pilersaarut digitaliusoq www.sermersooq2028.gl

Ingerlariaqqinnissaq

Kommunimut tapiliussassatut siunnersuut 3E5-4 sapaatip-akunnerini arfineq-pingasuni tamanut tusarniaassutigineqassaaq, tamannalu Nuuk Ugeavisikkut nalunaarutigineqarlunilu kommunip tusarniaanermut quppersagaatigut allagarsiissutigineqassaaq.

Tamanna pereerpat tusarniaanermi akissuteqaateqartoqassappat, iluarsiiisutaasinnaasut ilanngullugit inaarutaasumik akurrsissutigineqannginnerini politikikkut allamut oqaluuseritinneqassapput.

Aningaasaqarnermut Allatseqarfimmit oqaaseqaatit

Soqanngilaq.

Innuttaasunik peqataatitsineq/attaveqaqatigiinneq

Kommunimut tapiliussassatut siunnersuut 3E5-4 tamanut tusarniaassutigineqassaaq, tamannalu Nuuk Ugeavisikkut aamma kommunip nittartagaani tusarniaanermut allagarsiiviatigut nalunaarutigineqassalluni. Piffissami tusarniaaffiusumi tusarniaanermut akissuteqarnissamut periarfissaqassaaq.

Ingerlatsivinnit allaniit oqaaseqaatigineqartut

Soqanngilaq

Ilanngussat

1. Kommunimut pilersaarummut tapiliussaq 3E5-4, Nuuk Airport, pillugu siunnersuut

Punkt 05C: Kommunitut pilersaarummut tapiliussap 1C38-2 Qullilerfik, Nuuk akuersissutigineqarnera

Beslutning

Inassuteqaat akuersissutigineqarpoq.

Bilag

Tusarniaanermut akissutit suliarineqarnerat

Tusarniaassummut akissuteqaat

Kommunitut pilersaarummut tapiliussaq 1C35-2

Kommunimut pilersaarummut tapiliussap 1C38-2 Qullilerfik, Nuuk akuersissutigineqarnera

Aalajangiiffigisassaq

J.nr.: 16.03.01.01-P16-3-19

Sanarfinermut Avatangiisinullu ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussassaq peqqissaavik pisortanit pigineqartoq sananeqarsinnaalissaaq sumiiffimmi C-mi pioreersumi (sumiiffik siunertanut ataatsimoorussassanut), Nuup qiterpasissuani inissisimasussaq. Sumiiffik ullumikkut kommunip qatserisarfiata inissisimaffigaa, siunissami ineriartortitsinissami taassuma nuutinneqarnissaa pisariaqassaaq.

Pilersaarummi sumiiffik sanaartorfissanut marlunnut agguarneqarpoq, taakkuli ataatsimoortumik sanaffigineqarsinnaalissapput. Sanaartorfissami A-mi pingasunik quleriillit tikillugit sanaartortoqarsinnaavoq taavalu sanaartorfissaq B-mi tallimanik quleriillit tikillugit sanaartortoqarsinnaalluni. Kisialli sanaartugassat ataatsimoortinneqassagaluarpata illut portussusissaat malinneqassapput.

Kommunimut pilersaarummut tapiliussaq sapaatip-akunnerini arfinilinni tamanut tusarniaassutigineqareerpoq, tassungalu atatillugu marlunnik tusarniaanermut akissuteqartoqarpoq, taakkulu aappaa oqaaseqatigiinnik annikitsunik allannguuteqartitsinermik kinguneqartitsivoq.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussaq 1C38-2 Qullilerfik, Nuuk akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut Kommunalbestyrelsimullu inaarutaasumik aalajangiiffigisassanngorlugu ingerlateqqinneqassasoq

Suliassamik saqqummiussineq

Suliassamik saqqummiussineq

Kommunimut pilersaarummut tapiliussassami pineqarpoq, sumiiffik Nuup qiterpasissuaniittoq, Jagtvejimi illorsuit kitaatungaaniittoq. Ullumikkut tamanna qatserisarfiup inissisimaffigaa, sumiiffiullu ineriartortinneqarnissaanut taanna nuutinneqartariaqassaaq.

Kommunimut pilersaarummut tapiliussassaq sumiiffiup C-tut tamanit ataatsimoorussiffittut atorneqarnissaa aalajangiusimaneqarpoq, kisiannili peqqissaavimmik pisortanit pigineqartumik sanasoqarnissaa periarfissaalluni, ilisimatusarnermut ilinniartitsinermullu tunngasunik atuuffeqarnissaa ilanngullugu, kiisalu ilisimatuunit, ilinniartitsisunit allanillu tikeraanut inissanik ataasiakkaanik sanasoqarnissaanut periarfissalimmik.

Kommunimut pilersaarummut tapiliusseq sapaatip-akunnerini arfinilinni tamanut tusarniaassutigineqareerpoq, tassungalu atatillugu marlunnik tusarniaanermut akissuteqartoqarpoq, taakkulu aappaa oqaaseqatigiinnik annikitsunik allannguuteqartitsinermik kinguneqartitsivoq. Tassani pineqarluni illut portunerpaaffiunik allannguineq, akerliliissuteqartuusup peqqissaavimmi qilaamut portunerusoq piumasaqaataaneraniq eqqumaffigeqqusineratigut tamanna pivoq. Taamaammat §21.1.3 imatut allanngortinneqarpoq
“Sanaartorfissaq A-mi illut sanaartukkat ataatsimik pingasulluunniit tikillugit quleriussapput, portussusissaat annerpaamik 15 meteriulluni aamma sanaartorfissaq B-mi sanaartukkat nutaat pingasunik tallimalluunniit tikillugit quleriussinapput portunerpaaffissaat 24-meteriulluni.”

Aaqqiissutissatut siunnersuut – suliatigut naliliineq

Ingerlatsiviup nalilerpaa ineriartortitsinissamik eqqarsaatigineqartoq illoqarfiup ineriartortinneqarnissaanut, tamaani aallartinneqareersumut, naapertuulluurtuusup tassami Qatanngutiginnugit Pingasut inissiat portusuut maannakkut sanilerisatut sananeqaleruttormata, minnerunngitsumillu kommunimut pilersaarummut tapiliussatut akuerineqareersumut 1C6-1 Nuukullak, illoqarfiup nutarternissaanut periarfissiisumut. Aammalu sumiiffik Dronning Ingridip Napparsimmavissuanut qanittumiippoq, taamaattumillu pissusissamisuuinnartumik tassunga atassuteqartinneqarsinnaalluni.

Kommunimut pilersaarummut tapiliussassatut siunnersuummi sumiiffik sanaartorfissanut marlunnut agguarneqarpoq, portussutsit assigiinngitsut nassuiaatigineqarlutik, portunerulersinneqarsinnaallutik. – Kujammut kimmud sammerngani Svend Jungep Aqquataa tungaanut quleriit pingasut tikillugit sanasoqarnissaa siunnersuutigineqarpoq. Avannamut kangimut sammerngani kommunimut pilersaarummut tapiliussassami siunnersuutigineqarpoq, tassani quleriit tallimat tikillugit sanasoqassasoq. Sanaartorfissat marluk ataatsimoortinneqarsinnaapput, taamaasilluni illuliat ataqatigiissunngortinneqassallutik. Ingerlatsiviup nalilerpaa, illut portussusissaat assigiinngitsut suliarineqarpata illut pissanganartumik isikkullit, Illuliortaatsimut politikkimut naapertuuttut sananeqarsinnaalissasut.

Aningaasatigut sulisoqarnikkullu naliliinerit

Kommunimut pilersaarummut tapiliussap suliarineqarnera immini aningaasatigut kingunerisassaqaqqangilaq.

Inatsisitigut tunngavissaq allakkallu tunngaviusumik uppersaatitallit

Pilersaarusionerq aamma nunaminertat atornerqartarneri pillugit Inatsisartut inatsisaat nr. 17 ulloq 17. november 2010-imeersoq aamma Inatsisartut inatsisaat nr. 34 9 decembari 2015-imeersoq Kommunimut pilersaarut internetsimiittoq www.sermersooq2028.gl

Ingerlariaqqinnissaq

Inaarutaasumik akuersissutigineqarpat aamma kommunimut pilersaarummut tapiliusseq nalunaarutigineqareeripat ukiuni marlunni atuuttussamik nunaminertamik inniminniisoqarsinnaangussaaq.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Kommunimut pilersaarummut tapiliusseq sap.ak. arfinilinni tamanut tusarniutigineqareerpoq, tamannalu Nuuk Ugeavisimi aamma kommunip nittartakkakkut tusarniaaviani nalunaarutigineqarnikuvoq. Piffissami tusarniaaffiusumi tusarniaanermut akissutit marluk tiguneqarput, taakkulu oqaaseqatigiinnik annikitsunik allannguuteqartitsinermik kinguneqarput.

Ingerlatsivinniit allaniit oqaaseqaatit

Soqanngilaq

Siusinnerusukkat aalajangerit

Sanarfinermut Avatangiisinullu Ataatsimiititap ulloq 28. januaari 2020-mi aalajangerera
Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititap ulloq 20. februaari 2020-mi aalajangerera.

Inassuteqaat akuersissutigineqarpoq.

Kommunalbestyrelsip 25. februaari 2020-mi aalajangerera

Inassuteqaat akuersissutigineqarpoq.

Ilanngussat

1. Tusarniaanermut akissutit suliarineqarnerat.
2. Tusarniaassummut akissuteqaat
3. Kommunimut pilersaarummut tapiliusseq 1C35-2

Punkt 05D: Sissaq sinerlugu aqqusineeraq, immikkoortup aappaa, Nuuk

Beslutning

Inassuteqaat akuersissutigineqarpoq.

Bilag

Sissaq sinerlugu aqqusineqqamut tunngatillugu immikkoortoq 2-mut pilersaarummut siunnersuut

Sissaq sinerlugu aqqusineeraq, immikkoortup aappaa, Nuuk

Aalajangiiffigisassaq

J.nr.: 16.03.01.01-P16-1-19

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Matumani Nuummi sissaq sinerlugu aqqusineeraq pillugu immikkoortoq 2 saqqummiunneqarpoq, tassani Saqqarlerni kitaa tungaaniittoq Noorlerni kangerliumanerit kujammut sammisut tungaannut aqqusineeraq atassuserneqassaaq.

Immikkoortoq 2 malunnarpiarani nunamullu tulluarsarlugu sananeqassaaq, tassa aqqusineeqqap pioreersup qaavatigut qisummik aqqusineeraliortoqassagami. Aqqusineeraq nunamit qangatalaartutut isikkoqassaaq. Sukkut tamaana ataasiakkaani majuartarfeqassaaq majorallattarfeqarlunilu, aqqusineeraq nunami tinupattaat qulaallugit suliarineqartussaammat. Immikkoortumi qanganitsat eqqarsaatigineqarput, eriagineqarnissaallu tapersorneqarluni, minnerunngitsumillu allagartarsualersuinikkut paasititsiniaanissaq ilanngunneqarnissaa pingaartinneqarluni. Tamannali inuussutissarsiornermut immikkoortortaqaqfimmit aqunneqartumi takornariaqarnermut suliniutip ilagaa.

Sissaq sinerlugu aqqusineeqqamut tunngatillugu, isikkua ataqatigiinniassammat ilisarnarlunilu, immikkoortoq 1-imi atortut atorineqartut assinganiq immikkoortoq 2-mi sanaartortoqassaaq.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- sissaq sinerlugu aqqusineeqqamut atortut, najoqqutassatut ilusilersorneqarneranullu tunngavigineqartoq - immikkoortup aappaa - akuersissutigineqassasoq
- suliaq Aningaasaqarnermut Inuussutissarsiornermullu kiisalu Kommunalbestyrelsimut ilisimatitsissutitut ingerlateqqinneqassasoq.

Suliassamik saqqummiussineq

Nuummi sissaq sinerlugu aqqusineeqqap pilersinneqarnerani immikkoortoq siulleq innuttaasunit tikeraanillu assut nuannaarutigineqalereersimavoq. Issittumi illoqarfiit pingaarnersaannik nittarsaassinermut tapersiivoq, illoqarfik amerlasuunut assigiinngitsunik periarfissalik neqeroorutilillu, minnerunngitsumillu sinerissami illoqarfik sissaq sinerlugu assigiinngisitaartumik periarfissalik.

Sissaq sinerlugu aqqusineeraq kommunimut pilersaarummi suliniutissatut pingaarnertut toqqagaasimavoq, naatsorsuutaavorlu immikkoortukkuutaarlugu suliarineqassasoq. Matumani immikkoortoq 2 saqqummiunneqarpoq, tassani Saqqarlerni kitaa tungaaniittoq Jens Kreutzmannip Aqqusernaniit Noorlerni kangerliumanerit kujammut sammisut tungaannut aqqusineeraq atassuserneqassaaq. Immikkoortoq immikkoortup siulliup naaneranut atanilerneqassaaq,

taamaalillunilu Nuup illoqarfiata qeqqani nutaanngitsortaanilu kusanartumik aqquteqalersitseqataassaaq. Ineriartortitseqqinnissaa eqqarsaatigalugu aqqut taanna illoqarfiup assinganut ilanngunneqarnissaa immaqaluunniit aamma illoqarfimmi timigissartartut eqqarsaatigalugit kilometerikkuutaartunik nalunaarsorneqarnissaa siunnersuutigineqarpoq. Immikkoortut taakku marluk akornanni atassusiineq qatsissumi tikinneqartartumi allagartalersuinikkut ersarissarneqarnissaa siunnersuutigineqarpoq.

Immikkoortoq 2 malunnarpiarani nunamullu tulluarsarlugu sananeqassaaq, tassa aqqusineeqqap pioreersup qaavatigut qisummik aqqusineeraliortoqassagami, sanaartugarlu nunamit qangatalaartutut isikkoqassalluni. Sukkut tamaana ataasiakkaani majuartarfeqassaaq majorallattarfeqarlunilu, aqqusineeraq nunami tinupattaat qulaallugit suliarineqartussaammat. Immikkoortumi qanganitsat eqqarsaatigineqarput, eriagineqarnissaallu tapersorsorneqarluni. Taamatuttaarlu kulturikkut kingornussaananer at pillugu paasititsiniaanissaa siunertaralugu allagartarsualersorneqarnissaa eqqarsaatigineqarpoq.

Siunissami uninngaartarfissanik ataasiakkaanik, qaarsuni issiavissaqqissunik peqareersuni, pilersuinissaaq siunnersuutaavoq. Taakkulu sissap sinerlugu aqqusineeqqap tungaanut aqqusineeraliornikkut ilaatigullu nalunaaqutsersuinikkut atassuserneqarsinnaapput.

Aaqqiissutissatut siunnersuut – suliatigut naliliineq

Sissaaq sinerlugu aqqusineeqqamut tunngatillugu, isikkua ataqatigiinniassammat ilisarnarlunilu, immikkoortoq 1-imi atortut atorneqartut assinganik immikkoortoq 2-mi sanaartortoqassaaq. Immikkoortoq 2 nunap qatsissusaa malillugu pilersinneqarniarmat aqqusineeqqap ilaani ataasiakkaani taamaallaat assiaqusersuinissaaq pisariaqassaaq. Immikkoortoq 1-imi suliamut sanilliullugu ajornannginnerusumik malunnannginnerusumillu suliarineqarnissaa siunnersuutigineqarpoq. Immikkoortoq saqisaarsaartarfittut (boardwalk) imaluunniit qisummik aqqusineeqqatut iluseqarnerusaaq. Taamatut aaqqiineq kusanartutut ingerlatsivimmit nalilerneqarpoq, tamatumanilu illoqarfiup allatut misigisassarsiorfigineqarnissaanut iluaqutaassaaq.

Aningaasatigut sulisoqarnikkullu naliliinerit

Soqanngilaq

Inatsisitigut tunngavissaaq allakkallu tunngaviusumik uppernarsaatitalit

Kommunimut pilersaarut digitaliusoq www.sermersooq2028.gl

Ingerlariaqqinnissaaq

Pilersaarummi sanatitsisutut akisussaasumut NCD-mut paasissutissat ingerlateqqinneqassapput. Sanaartorneq ukioq manna aallartinneqarnissaa naatsorsuutigineqarpoq.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaaqatigiinneq

Soqanngilaq

Ingerlatsivinnit allaniit oqaaseqaatigineqartut

Soqanngilaq

Ilanngussat

1. Sissaq sinerlugu aqqusineeqqamut tunngatillugu immikkoortoq 2-mut pilersaarummut siunnersuut.

Punkt 05E: Aqqaluup Aneersaartarfianut tamakkiisumik pilersaarut

Beslutning

Inassuteqaat imatut oqaaseqaatitalerlugu akuersissutigineqarpoq: tusarniaatitsinikkut innuttaasunik peqataatitsisoqassasoq.

Bilag

Aqqaluup Aneersaartarfianut tamakkiisumik pilersaarummut siunnersuut

Aqqaluup Aneerasaartarfianut tamakkiisumik pilersaarut

Aalajangiiffigisassaq

J.nr.: EMN-2019-01455

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummi Sermersooq2028-mi Aqqaluup Aneerasaartarfia Nuup illoqarfiata qeqqani sammineqartussatut toqqarneqarnikuuvoq. Tamanna tunngavigalugu ingerlatsiviup immikkoortoq tamanna pillugu tamakkiisumik pilersaarut ingerlatsiviup suliaraa.

Immikkoortumi sukumiisumik nalunaarsuisoqareermat tamakkiisumik pilersaarut sularineqarpoq. Aneerasaartarfimmi periarfissat pioreersut toqqammavigalugit pilersaarusiortoqarpoq, tassanilu taakku qanoq pitsanngorsarneqarsinnaanerannut allanngortinneqarsinnaanerannullu siunnersuuteqartoqarpoq, taamaalilluni - illoqarfimmi innuttaasunut tikeraanullu - sapinngisamik annertunerpaamik periarfissanut inissaqalissalluni.

Holmit Illuat aneerasaartarfimmi pingaarnertut inissisimasutut atorineqarpoq. Holmit Illuat asseqanngitsumik inissisimaffeqarpoq, pingaaruteqarporlu, tamakkiisumik pilersaarummi illup siunissaa nassuiaateqarfigineqassasoq, taamaasilluni illu siunissamilu atorineqarnissaa aneerasaartarfimmut attuumassuteqarlualersinneqarniassammat.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Aqqaluup Aneerasaartarfianut tamakkiisumik pilersaarut akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut Kommunalbestyrelsimullu inaarutaasumik aalajangiiffigisassanngorlugu ingerlateqqinneqassasoq

Suliassamik saqqummiussineq

Kommunimut pilersaarummi Sermersooq2028-imi Aqqaluup Aneerasaartarfia Nuup illoqarfiata qeqqani sammineqartussatut toqqarneqarnikuuvoq. Tamanna tunngavigalugu ingerlatsiviup immikkoortoq tamanna pillugu tamakkiisumik pilersaarut ingerlatsiviup suliaraa. Immikkoortoq kateriffiusarpoq qorsooqqissumi eqqissisimaartarfiusoq, Imaneq aamma Nuutoqqap akornanni kulturikkut ataqatigiissitsiffik, tamaanilu siunertanut assigiinngitsunut aqqissuussisoqartarpoq, ukioq kaajallallugu piffissani assigiinngitsuni.

Immikkoortumik sukumiisumik nalunaarsuisoqareermat tamakkiisumik pilersaarut sularineqarpoq, tassani ilaatigut Fritidshjem Aqqalummi sulisut atuisullu allat isumasioqatiginerat kiisalu aneerasaartarfimmi naasoqassuseq pillugu sukumiisumik nassuiaat toqqammavigalugit. Aneerasaartarfimmi periarfissat pioreersut toqqammavigalugit pilersaarusiortoqarpoq, tassanilu taakku qanoq pitsanngorsarneqarsinnaanerannut allanngortinneqarsinnaanerannullu siunnersuuteqartoqarpoq, taamaalilluni - illoqarfimmi innuttaasunut tikeraanullu - sapinngisamik annertunerpaamik periarfissanut inissaqalissalluni.

Tamakkiisumik pilersaarummi qitiutillugillu iliuuseqarfigineqartussat pingasut toqqarneqarput

1. Attaveqaatit - aqqusineeqqat qulliillu
2. Holmit illuata eqqaaniittoq immikkoortoq, taanna aneerasaartarfiup pingaarnersaraa, tassanilu Issittumi Naatitsiviit ilaatinneqarputtaa.
3. Taseq

Pilersaarummi iliuusissat immikkoortunut pingasunut, missingersuutit il.il. apeqquataatillugit iluarsanneqarsinnaasut, agguataarneqassasut siunnersuutigineqarpoq.

Aaqqiissutissatut siunnersuut – suliatigut naliliineq

Tamakkiisumik pilersaarut patajaatsuusoq, taamalu aningaasanik nuussisarneq ilutigalugu piviusunngortinneqarsinnaasoq ingerlatsiviup nalilerpaa. Pilersaarummi pingaarnertut isumassarsiat nassuiaatigineqarput, taakku aningaasanik amerlanngitsunik atuilluni aneerasaartarfimmut annertuumik sunniuteqarluarsinnaapput.

Holmit Illuat aneerasaartarfimmi pingaarnertut inissisimasutut atuuffeqarpoq. Holmit Illuat asseqanngitsumik inissisimaffeqarpoq, pingaaruteqarporlu, tamakkiisumik pilersaarummi illup siunissaa nassuiaateqarfigissallugu, taamaasilluni illu siunissamilu atorneqarnissaa aneerasaartarfimmut attuumassuteqarlualersinneqarniassamat.

Aningaasatigut sulisoqarnikkullu naliliinerit

Tamakkiisumik pilersaarut akuersissutigineqassappat, 2021-mut sanaartugassanut missingersuutinut aningaasanik immikkoortitseqqittoqarnissaa naatsorsuutaavoq.

Inatsisitigut tunngavissaq allakkallu tunngaviusumik uppernarsaatitallit

Kommunimut pilersaarut digitaliusoq www.sermersooq2028.gl

Ingerlariaqqinnissaq

Tamakkiisumik pilersaarummut siunnersuut kommunalbestyrelsimit akuersissutigineqarnissaa naatsorsuutigineqarpoq. Tamatuma kingorna ukioq manna iliuuserineqarsinnaasut ingerlatsiviup misissussavai.

Saniatigullu kommunimut pilersaarutissami nutaami immikkoortoq immikkut immikkoortup ilaatut suliarineqassaaq.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Atuisunik assigiinngitsunik, tassunga ilanngullugu Fritidshjem Aqqaluk Ilinniarnertuunngorniarfillu peqataatillugit, isumasioqatigiissitsisoqarpoq. Tamanna toqqammavigalu aneerasaartarfimmiissinnaasunik assigiinngitsunik kissaateqartoqarpoq. Taakku tamakkiisumik pilersaarusionermi pingaarnertut sallinneqarput.

Ingerlatsivinnit allaniit oqaaseqaatigineqartut

Soqanngilaq

Ilanngussat

1. Aqqaluup Aneerasaartarfianut tamakkiisumik pilersaarummut siunnersuut

Punkt 05F: Tasiilaq Aneersaartarfianut tamakkiisumik pilersaarut

Beslutning

Inassuteqaat imatut oqaaseqaatitalerlugu akuersissutigineqarpoq: innuttaasunik peqataatitsisoqassasoq/innuttaasunik ataatsimiititsisoqassasoq kiisalu najukkami ataatsimiititaliaq peqataatinneqassasoq.

Sapaatip-akunnerini 8-ni tusarniaatitsisoqarnissaa erseqqissaatigineqassasoq.

Bilag

Tasiilaq pillugu Tamakkiisumik pilersaarut

Tasiilaq pillugu tamakkiisumik pilersaarut pillugu siunnersuut

Aalajangiiffigisassaq

J.nr.: EMN-2020-00010

Sanarfinermut Avatangiisinullu Ingerlatsivik – Pisorta, Hans Henrik Winther Johannsen / HHWJ

Suliassamik eqikkaaneq

Tasiilaq pillugu tamakkiisumik pilersaarut pilersaarutaavoq illoqarfiup atorneqarnissaanut periarfissanik aalajangersaasusaaq siunissamilu qanoq pitsaanerpaamik ineriartortinneqarnissaannik aamma/imaluunniit nukittorsarnissaannik takutitsisuuq. Pilersaarummi illoqarfiup pitsaaqutai pitsanngorsaaviginiarneqarput, taamaalilluni orniginarnera, qorsooqqinnera, illoqarfiup piujuartinneqarnissaa attatiinnarneqarniassamat, tassanilu illoqarfiup qeqqata ingerlalluarnissaa pingaartinneqassaaq, ataatsimoornissamut periarfissaqassaaq, illoqarfiup innuttaasui peqqinnissamut aalanissamullu periarfissinneqassallutik.

Pilersaarummi suliniutissat assigiinngitsut immikkoortiterneqarput, tamarmilli ataatsimut qulequtaqarput; illoqarfimmik innuttaasunut ataqatigiissumik pilersitsinissaaq. Pilersaarut tamakkiisooq Najukkami Ataatsimiititaliamit sakkussaavoq, iliuuseqarnermilu malittarinnillattaartarnissamut aallaaviusassalluni.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Tasiilaq pillugu tamakkiisumik pilersaarut pillugu siunnersuut akuersissutigineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Pilersaarusiordermi periusissaaq P18, kommunimut pilersaarut Sermersooq2028, politikikkukut akuersissutigineqartoq toqqammavigalugu Tasiilaq pillugu tamakkiisumik pilersaarusiorderneqarpoq, pilersaarummilu immikkut ittumik pingaarnertut qitiutinneqartoq aallaavigineqarpoq: illoqarfiup qeqqa orniginartoq Pilersaarummi illoqarfiup pitsaaqutai pitsanngorsaaviginiarneqarput, taamaalilluni orniginarnera, illoqarfiup qeqqata ingerlalluarnissaa pingaartinneqarluni, attatiinnarneqassalluni.

Matumani illoqarfimmi pioreersut ineriartorteqqinneqarnissaat siunertaavoq, taakkulu Tasiilaq najoruminartuujuarnissaanut pitsanngorsaavigineqarlutillu nutarterneqassapput. Tasiilamut tunngatillugu siunissami aningaasaqarnikkut pilersaarusiordernermut atatillugu tamakkiisumik pilersaarut Najukkami Ataatsimiititaliamit kommunalbestyrelsimillu sakkussaavoq isumassarsiorfissaallunilu.

Pilersaarummi illoqarfimmi suliniuteqarfissat pillugit najoqqutassiortoqarlunilu sinaakkutissanik pilersitsisoqassaaq - tassa matumani pineqarlutik aqqusinerni qullit, pinnguartarfinnik pilersitsinerit

imaluunniit eqqumiitsuliat atorlugit kusassaanerit. Pitsaanerulersitsinissamut illoqarfiullu ineriartortinnissaanut suliniutit tamarmik illoqarfiup qeqqanik pitsaanerulersitsillutillu ataatsimuulersitsissapput, tamannalu pillugu Tamakkiisumik pilersaarummi suliassaq pingaarnerpaaq tassaavoq tamatumunnga najoqqutassiornissaq.

Aaqqiissutissatut siunnersuut – suliatigut naliliineq

Tamakkiisumik pilersaarummi suliniutinik maannakkut aallartinneqarsinnaasunik piffissallu ingerlanerani illoqarfimmi immikkoortuni ineriartuuteqarfiusinnaasunik siunnersuutinik imaqartoq ingerlatsivimmit nalilernerqarpoq. Taamaalilluni tamakkiisumik pilersaarummi aningaasaqarnikkut pissutsinik periarfissanillu assigiinngitsunik nikisititerisoqarnissaanik naleqqussaasunermik imaqarpoq.

Aningaasatigut sulisoqarnikkullu naliliinerit

Tamakkiisumik pilersaarut aningaasaqarnikkut sulisoqarnikkullu sunniuteqartitsissanngilaq, Tasiilamili iluarsartuussinissamut pitsanngorsaanaissamullu aningaasaliisoqartariaqarneranik taakkartuiffiulluni.

Inatsisitigut tunngavissaq allakkallu tunngaviusumik uppersaatitalit

Pilersaarusionerq aamma nunaminertat atornerqartarnerat pillugit Inatsisartut inatsisaat nr. 17, 17. november 2010-imeersoq
Kommunimut pilersaarut digitaliusoq www.sermersooq2028.gl

Ingerlariaqqinnissaq

Siunnersuut sapaatip-akunnerini arfinilinni tamanut tusarniaassutigineqassaaq, tamannalu Tasiilami allagarsiuussinikkut kiisalu kommunip tusarniaanermut nittartartagaatigut saqqummiunneqassaaq.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Tasiilami Najukkami Ataatsimiititaliaq suleqatigalugu tamakkiisumik pilersaarut suliarineqarpoq, innuttaasunik ataatsimiititsinermilu qulequttanik pissarsiarineqartunik imaqarluni. Siunnersuut suliarineqareermat illoqarfimmi soqutigisaqaqatigiinnut misissugassanngorlugu pilersaarut nassiunneqarpoq. Taamatut suliaqarnermut atatillugu siunnersuummut annikitsunik iluarsiiisutinik takkuttoqarpoq.

Ingerlatsivinnit allaniit oqaaseqaatigineqartut

Soqanngilaq

Ilanngussat

1. Tasiilaq pillugu Tamakkiisumik pilersaarut

Punkt 05G: Siunnersuut B-31-p eriaginartutut nalunaarsorneqarnerata atorunnaarsinneqarnissaanik

Beslutning

Inassuteqaat akuersissutigineqarpoq.

Bilag

B-31-ip nalilernerá

B-31-ip nalunaarsornerá

B-31-p eriaginatutut nalunaarsorneqarnerata atorunnaarsinneqarnissaanik siunnersuut

Aalajangiiffigisassaq

J..nr.: EMN-2020-03015

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Matumuuna Sanarfinermut Avatangiisinullu Ingerlatsiviup B-31-p eriaginatutut nalunaarsorneqarnerata atorunnaarsinneqarnissaa innersuussutigaa.

Nuuk naapertorlugu; *Illut illoqarfiillu immikkoortui eriaginatutut nalunaarsorneqartuni* (Illoqarfinni Sungaartumik Nalunaarsukkatut taagorneqartartuni) B-31 illu eriaginatutut nalunaarsorneqarsimavoq sorsunnersuit aappaanni Det Canadiske Konsulatitut nalunaarsorneqarsimanera pillugu.

Nuup illoqarfiata assingani nassuiaatigineqartutut toqqorsivimmi assini takuneqarsinnaavoq illu Det Canadiske Konsulat isaterneqarsimasoq. Allatut oqaatigalugu, illu ullumikkut B-31-mik taaneqartartoq, *Illoqarfinni Sungaartumik Nalunaarsukkani* nassuiaatigineqartumi illu pineqartoq allaavoq.

Illu immikkoortumi eriaginatut akornanni inissisimangilaq soorlu aamma kulturimut tunngassuteqartut akornaniingitsoq. Illoqarfimmili allaffissornikkut qitiusoqarfimmiippoq, Kommuneqarfiup, Kulturikkut Illorsuup Katuap, Nuuk Centerip aamma illut nutaaliasut akornanni inissisimavoq. Assigiinngitsorpassuartigut B-31 taakkununga attuumassuteqanngitsutut isigineqartarpoq, illuliortaatsit tungaatigut aammali angissusaanut tunngatillugu.

Inassuteqaat

Sanarfinermut Avatangiisinullu Ingerlatsivik Sanarfinermut Avatangiisinullu Ataatsimiititamut imaattumik inassuteqaateqarpoq:

- B-31-p eriaginatutut nalunaarsorsimanera atorunnaarsinneqarnissaanut siunnersuut akuersissutigineqassasoq
- siunnersuut akuersissutigineqartoq Aningaasaqarnermut Inuusutissarsiornermullu Ataatsimiititamut Kommunalbestyrelsimullu ingerlateqqinneqassasoq, sapaatip-akunnerini sisamani tusarniaassutigineqarnissaa siunertaralugu.

Suliassamik saqqummiussineq

Sanarfinermut Avatangiisinullu Ingerlatsiviup B-31-p, Nuummi Kuussuarmi, immikkuualuttoq 1C12-imi inissisimasup, eriaginatutut nalunaarsorneqarnerata atorunnaarsinneqarnissaa innersuussutigaa. Tamanna ataani allassimasoq tunngavigalugu pivoq.

Nuuk naapertorlugu; Illut illoqarfiillu immikkoortui eriaginatutut nalunaarsorneqartuni (Illoqarfinni Sungaartumik Nalunaarsukkatut taagorneqartartuni) B-31 illu eriaginatutut nalunaarsorneqarsimavoq sorsunnersuit aappaanni Det Canadiske Konsulatitut nalunaarsorneqarsimanera pillugu. Taamaalilluni Nunatsinni sorsunnersuup oqaluttuarisaaneranut Det Amerikanske Konsulat (B-2) ilanngullugu uppersaataatit ippoq. *Illoqarfinni Sungaartumik*

Nalunaarsukkani aamma allassimavoq: "Det Canadiske [konsulat], B-31, ulluinnarni "Vestre Fængsel" taaguuteqarpoq, illup, taamani, immikkoorluni inissisimanera peqqutigalugu."

Soorlu aamma *Nuup illoqarfiata assingani* nassuiaatigineqartoq toqqorsivimmi assini takuneqarsinnaasoq illu Det Canadiske Konsulatit atorneqarsimasoq isaterneqarsimavoq. Allatut oqaatigalugu, illu ullumikkut B-31-mik taaneqartartoq, *Illoqarfinni Sungaartumik Nalunaarsukkani* nassuiaatigineqartumi illu pineqartoq allaavoq.

Eriaginatutut nalunaarsorneqarneranut tunngavigineqartussanik oqaluttuarisaanermut illulioraatsimullu tunngatillugu naleqartinneqartunik allanik soqanngilaq. Ingerlatsivik illup eriaginatutut nalunaarsorneranut tunngaviusinnaasunik oqaluttuarisaanermut atatillugu allanik naleqartitanik nalunaarsuisoqarsimanersoq Nunatta Katersugaasivia Toqqorsivianut apeqquteqarpoq.

Illu immikkoortumi eriagineqartussamiingilaq soorlu aamma kulturimut tunngassuteqartut akornaniingitsoq. Illoqarfimmili allaffissornikkut qitiusoqarfimmiippoq, Kommuneqarfiup, Kulturikkut Illorsuup Katuap, Nuuk Centerip aamma illut nutaaliasut akornanni inissisimavoq. Assigiinngitsorpasuartigut B-31 taakkununga attuumassuteqanngitsutut isigineqartarpoq, illulioraatsit tungaatigut aammali angissusaanut tunngatillugu.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsiviup, immikkoortup eriaginatunut tunngassuteqannginnera pillugu, eriagisatut nalunaarsornerata atorunnaarsinneratigut immikkoortup isikkuanik ajornerulersitsissanngitsoq nalilerpaa.

Ingerlatsiviuttaaq inassuteqaatigaa, kommunimi eriaginatut attatiinnarneqarnissaannik suliniutit immikkoortunut eriaginatunut, taamalu taakkunani illut ataasiakkaanut, tunngassuteqassasut. Tassa illu immikkut inissisimasoq Nunatta illoqarfiulluunniit oqaluttuarisaaneranut uppersaatitut pineqarpalluunniit.

Aningaasatigut sulisoqarnikkullu naliliinerit

Eriagisatut nalunaarsorneqarsimanerata atorunnaarsinneqarnera aningaasaqarnikkut kinguneqassanngilaq.

Inatsisitigut tunngavissaq allakkallu tunngaviusumik uppersaatitallit

Eriagisatut nalunaarsorneqarsimanerata atorunnaarsinneqarnissaanut siunnersuut makku tunngavigalugit suliarineqarpoq:

- Pilersaarusiorneq aamma nunaminertat atorneqartarneri pillugit Inatsisartut inatsisaat nr. 17, 17. november 2010-imeersoq (Pilersaarusiornermut inatsit).
- Kommunimut pilersaarut digitaliusoq www.sermersooq2024.gl
- [Illoqarfinni Sungaartumik Nalunaarsukkat](#)
- Kommunini pilersaarusiornermi eriagisassatut eqqarsaatigineqartussat isumagineqartarnerat pillugu Namminersornerullutik Oqartussat nalunaarutaat nr. 31, 30. oktober 1991-imeersoq

Ingerlariaqqinnissaq

Inassuteqaammi illuatungiliuttut pillugit allattorsimaffimmi allassimasunut siunnersuut sapaatip-akunnerini sisamani tusarniaassutigineqassaaq.

Tusarniaasoqareerpat suliaq tusarniaassummut akissutigineqartut ilanngullugit Sanarfinermut Avatangiisinullu Ataatsimiititamut inaarutaasumik akuersissutigisassanngorlugu ingerlateqqinneqassaaq, tamatumalu kingorna Aningaasaqarnermut Inuussutissarsiornermullu Ataatsimiititamut Kommunalbestyrelsimullu ilisimatitsissutitut ingerlateqqinneqassalluni.

Inaarutaasumik aalajangiussaq Namminersorlutik Oqartussat Nuna tamakkerlugu pilersarusiornermut immikkoortorta qarfanut nassiunneqassaaq, tamatumalu kingorna Nuummi illut eriaginantut pillugit allassimaffik nutartissavaat.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allaniit oqaaseqaatigineqartut

Soqanngilaq

Ilanngussat

1. B-31-ip nalilenera
2. B-31-ip nalunaarsornera

Punkt 6: Suliat Aningaasaqarnermut Inuussutissarsiornermullu Ataatsimiititamut

Beslutning

Harald Bianco (IA): Tasiilami tanki uuliakoorfik.

Laura Taunâjik (S): ataatsimiinnermi atortussat piffissaalluartukkut nassiunneqartarnissai kissaatigaa.

Justus Hansen (D): Tasiilami eqqakkanut containeri

Punkt 7: Suliati matoqqasut

Beslutning

Soqanngilaq.

Punkt 8: Imaqarniliap akuerineqarnera

Beslutning

Imaqarniliaq akuerineqarpoq nal. 15.02.